



天世界至一如告命

迴啟起死尊神監生大神帝君品命



受度某人靈魂即日恭詣  
 黃錄齋壇拜受太上洞玄靈寶長生度命无  
 上黃錄一階如法受持永充濟拔人間天上  
 敬信奉行一如  
 玄科律令

太歲年月 日某州縣黃錄齋壇給

度師法位姓名 押

保舉師法位姓名 押

監度師法位姓名 押

九中原夫道之始也本無形本無文故不可名不可觀及其析希夷之妙剖混沌之胎於是昭煥陰陽肇分清濁靈虛孕秀空洞生神或聚炁而成章或結玄而示象以致五篇敷落三洞宣行實自然而應運降世大可以保制劫運翊贊元綱下可以陶鑄黎民昭蘇幽顯莫非出於萬道之祖元始天尊以時宣演立三乘而接物出九等以度人三洞之書因經而錄降自錄而法彰道法之行以符為首亦合之義也蓋符文生於天地之初而涵乎自然之妙施於世人可以輔正除邪驅災拯厄用於冥界則可以超脫九祖濟拔沉魂中古以後齋法興行洞玄之宗靈風被物遂使修齋設醮祈告高穹請命頒符煥燭幽夜亦以符為先蓋符乃先天之妙炁自然之靈章

奏告而行陰關開泰無所不獲又豈在於符篆之多名號之異而後可以通感哉近世執法行科之士類不深究此旨其間所見不同用心失正臨壇行事求勝於人靈寶本法正屬洞玄部其為昇度符告如長生靈符救苦真符破地獄拔幽魂符元始符命九龍符命登真度命符普告三界符歷闕諸天敕制地祇符四鎮合同符昇天三券據古法符命如此而已請行符命惟恐不蒙上帝許容奉行儻得一符可應則係薦之魂無不可度又豈可以符多為貴哉今編出靈寶符命不敢雜用他符亦不增添他法符命止用洞玄本科告行符命悉出靈寶正法以全教網故也學者宜詳辨焉

上清靈寶大法卷之三十三